

Il Tirol dal süd salüdesh la colliaziun culla viafier

Inscunter dals regents da las regiuns d'Interreg Terra Raetica a Scuol

Daspö l'on 2007 collavuran la regiun dal Parc nazional, il district Landeck e'l Vnuost via Interreg in differents sectuors. In venderdi es gnü suottascrit üna declaranza d'intenziun. Cun quai ha cumanzà üna nouva perioda da collavuraziun.

Christian Fanzun, il capo cumunal da Scuol ed osp da l'arrandschamaint ha dit in venderdi a Scuol a la novantina da preschaints da tuottas traiss regiuns: «La suprastanza dal cumün da Scuol ha plaschairs dals contacts e da la collavuraziun cun noss vaschins dadour cunfin, culla regiun da Landeck e cun il Vnuost.» Ch'in vista a las cundizions da basa chi sun dvantadas amo plü difficilas saja quista cooperaziun da grond'importanza, ha dit Fanzun. Mincha duos ons vain realisa in ün'otra da las regiuns partenarias l'inscunter in connex culla collavuraziun cun programs d'Interreg. Preschaints a Scuol d'eran pel chantun Grischun il cuglier guvernativ Jon Domenic Parolini, pel Tirol austriac il Landeshauptmann Günther Platter e pel Tirol dal süd il Landeshauptmann Arno Kompatscher.

Nouva perioda da cooperaziun

Da l'on 2007 es gnü fundü il cussagi da la Terra Raetica, il qual promouva la collavuraziun da las traiss regiuns cun introdüer ils progetts d'Interreg. La perioda 2007 fin 2014 es a fin. Quista stà cumainza la nouva perioda, l'Interreg V chi dura fin dal 2020. «Per chi detta üna collavuraziun internazionala tanter traiss partenari medemmamaing fermes eschena uossa landervia ad elavurare üna strategia cumünaiva d'Interreg», ha declarà Andrea Gilli, sviluppader regional da la regiun dal Parc Nazional.



Il traiss collegas regents Günther Platter (da scheinstra), Jon Domenic Parolini ed Arno Kompatscher.

fotografia: Flurin Andry

Quella strategia consista dals sectuors economia, trafic, agricultura, turissem, scienza naturala e sanda.

In quists sectuors ha collavarà la Terra Raetica fingeä i's ultims ons. In tuo s'haja pudü realisar in quists ons 41 progetts gronds e 63 progetts pitschens. Examps sun il museum Finstermünz in vicinanza dal cunfin a Martina, prospects cumünaivels o eir la collavuraziun scientifica tanter il Parc Nazional Svizzer, il Naturpark Kaunergrat e'l Parco Nazionale dello Stelvio. «Il proget il plü actual es il Wasserturm Mals. Quella tuor pro la staziun da Mals i'l Vnuost vain fabrichad'oura in ün center da mobilità, voul dir, in ün'agenzia da via-

dis dal trafic public i'l Vnuost, Val Müstair, Engiadina Bassa e regiun Landeck», ha dit Andrea Gilli. «In quel post lavurará eir üna persuna da la regiun dal Parc nazional per cugliar als giasts chi voglion gnir pro nus.»

In venderdi passa han intünà il traiss regents, Jon Domenic Parolini, Günther Platter ed Arno Kompatscher, la necessità da cuntinuar a collavarur sur cunfin. Els san, cha «tuottas traiss regiuns da la Terra Raetica sun confrontadas cun similas sfidas. Causa il svilup demografic esa necessari da procurar ch'a'ls giuvens hajan perspectivas illas singulas regiuns e frenar uschè la depozaziun.»

L'importanza dal trafic public

Tuots traiss politikers han manzunà eir l'importanza da la mobilità e salüdà chi sajan gnüda optimadas i's ultims ons las colliaziuns cul trafic public tanter las traiss regiuns. «Istess füssa a l'avis dal chantun Grischun salüdaivel scha la colliaziun tanter Scuol-Fond-Landeck gniss meigliorava», ha manzunà Jon Domenic Parolini durant l'inscunter a Scuol. Ed Arno Kompatscher ha dit, cha'l Vnuost vess amo adüna interest da gnir colliä cun l'Engiadina eir cul tren. Günther Platter ha manzunà il cuosts enorms per quist proget. «Nus stessan verer da nun avair bôts massa gronds», ha el relativä.

Sco proget exemplaric pella collavuraziun sur cunfin ha'l nomnà il Gemeinschaftskraftwerk Inn (GKI) dadour Martina: «Grazcha a quel vaina un avegnir cumünaivel eir i'l sector da l'energia.» In venderdi han ils presidents da las organisaizions regionalas suottascrit üna «Partnerschaftsvereinbarung». Quista declaranza d'intenziun legitimescha a las singular regiuns da collavarur sün basa operativa cullas otras duos regiuns. Pella Pro Engiadina Bassa ha suottascrit il vicepresident da la Pro Engiadina Bassa, Jachen Gaudenz, pella Regio L il president districtual Markus Maass e pel Vnuost il president districtual Andreas Tappeiner.

(anr/fa)

L'istorgia e la filosofia han persvas la giuria

Premi d'innovaziun pel 'In Lain Hotel Cadonau' a Brail

Daspö set ons surdà il Forum d'economia da la Regiun Parc Nazional Svizzer il premi d'innovaziun. Il premi per l'on 2014 es gnü surdat a la gestiun 'In Lain Hotel Cadonau' a Brail.

Cun üna pitschna festa es gnü surdat d'incuort il premi d'innovaziun ill'oteza za da 3000 francs a Tamara e Dario Cadonau, ils patrunz dal 'In Lain Hotel Cadonau' a Brail. Per Emil Müller, president cumunal da Zerne e president dal Forum d'economia da la Regiun Parc Nazional Svizzer, es la surdata da quist premi in seis cumün ün'onur colliada eri cun plaschairs.

Il premi vain surdat minch'on ad una gestiun chi prista lavour extraordinaria. «Impüstü l'origen da l'istorgia e la filosofia da l'intraprisa ha fascinà e perswas», ha dit Emil Müller. El ha manzunà cha per la regiun e pel cumün da Zerne sun da quistas gestiuns importantes. E quai nüglia be pel marketing regional dimpèrs dessan talas eir esser buns examps per motivar e dar curaschi a giuvens affaristi da realisar lur ideas innovativas.

Ün'ustaria pitschna

I'l center da tuot l'hotel es la chasa engiadinaida da l'anterior Hotel Garni Cadonau. Eugen Biveroni, il bazegner da Dario Cadonau, ha drivi insembel cun sia duonna da l'on 1965 il Garni La Stüveta cun traiss fin quatter maisas in



Il premi d'innovaziun 2014 dal Forum da la regiun dal Parc Nazional Svizzer es gnü surdat a Dario e Tamara Cadonau dal 'In Lain Hotel Cadonau' a Brail.

fotografia: www.inlain.ch/Marco Cadonau

Brail. «Per nus d'eira important da mantegner la substanza da la chasa», ha manzunà Dario Cadonau. Il lain vegl da la chasa es gnü elavurà e darcheu integrà illa renovaziun. L'hotel in sia fuorma actuala daja daspö tschinch ons. Dal 2010 es gnü fabrichà infra desch mais il nouv tract da l'hotel cun ündesch suites exclusivas, üna lounge-bar, l'iert e la tecnicà per tuot il stabiliment. L'hotel consista da lain indigen e la gronda part da las lavori sun gnüdas fattas d'interprazia da la regiun. «In tuot vain nus elavurà 130 meters cubics lain da larsch e 120 meters cubics lain da dschember», ha declarà Dario Cadonau.

Ün lö interessant

La società exista d'una vart da la falegnamaria e da l'otra vart da l'hotel chi'd es cuntschaint per sia cuschina per gourmets. Tenor la famiglia Cadonau simbolisescha il lain al natüral, l'ospitalità e dà ün'atmosfera prüvada. Tuot il complex da l'hotel es gnü integrà illa natüra da Brail. «Important esa che chi's spordsch a giast. Il lö swessa nun es uschè important», ha declarà il possessur da l'hotel, Dario Cadonau. Tenor el es il lö a Brail interessant e la vicinanza al Parc Nazional Svizzer es ün grond avantag per sia gestiun.

(anr/afi)

la gestiun dal garni da seis genituiors mendaschs. Dal 1972 ha decis la familia Cadonau da serrar il garni a Brail e da's concentrar sulla gestiun da la falegnamaria «Art in lain» a S-chaf. Hoz es quai la falegnamaria «In Lain». La cha-

sa a Brail ha servi inavant a la famiglia scosa chasa d'abitaz e da vacanzas.

Cun laina indigena

Avant ot ons han cumanzà ils Cadonau a renovar lur chasa engiadinaida a

Per inserats:
stmoritz@publicitas.ch